

660

ELVEDIN OKERIĆ
Zastupnik u Klubu SDA
Skupštine Kantona Sarajevo

**PREDMET: Amandmani na Prijedlog Izmjena i dopuna Budžeta Kantona Sarajevo
za 2015.godinu**

1. AMANDMAN I

Predlažemo da se u okviru ekonomskog koda 821200 Nabavka građevina uvrsti pozicija Sredstva za dogradnju OŠ „Dobroševići“ u iznosu 400.000,00 KM u okviru razdjela 21, potrošačka jedinica 0001, Ministarstvo za obrazovanje, nauku i mlade.

Sredstva obezbijediti umanjnjem pozicija:

- Ministarstva za obrazovanje, nauku i mlade, ekonomski kod 614300 LAN011, Transfer za visoko obrazovanje umanjiti za 100.000,00 KM iznos od 66.140.000,00 KM;
- Ministarstva za obrazovanje, nauku i mlade, ekonomski kod 614300 LAN012, Transfer za nauku umanjiti za 300.000,00 KM iznos od 4.300.000,00 KM.

Obrazloženje:

Općina Novi Grad Sarajevo sa Ministarstvom za obrazovanje, nauku i mlade ima potpisan Sporazum o sufinansiranju dogradnje objekta OŠ „Dobroševići“. Potpisan je i ugovor sa izvođačem radova na iznos od 2.015.040,30 KM, te su radovi u toku. Finansijska konstrukcija nije u potpunosti zatvorena obzirom da je Općina do sada obezbjedila iznos od 1.000.000,00 KM, a Ministarstvo za obrazovanje, nauku i mlade 200.000,00 KM. Neophodno je da se do kraja obezbjedi 800.000,00 KM, stoga predlažemo da Ministarstvo za obrazovanje, nauku i mlade obezbjedi 400.000,00 KM u 2015.godini, a ostatak u 2016.godini, čime bi stvorili preduslov da objekat može biti završen, opremljen i pušten u rad u 2016.godini.

2. AMANDMAN II

Predlažemo da se u okviru ekonomskog koda 821200 Nabavka građevina uvrsti pozicija „Sanacija i rekonstrukcija objekta obdaništa „Vjeverica“ u iznosu od 600.000,00 KM u okviru razdjela 21, potrošačka jedinica 0001, Ministarstvo za obrazovanje, nauku i mlade.

Sredstva obezbijediti umanjnjem pozicija:

- Ministarstva prostornog uređenja i zaštite okoliša, ekonomski kod 614000 Tekući transfer za 400.000,00 KM umanjiti iznos od 6.500.300,00 KM;
- Ministarstva finansija, ekonomski kod 822600 Ostala domaća pozajmljivanja – Sufinansiranje garantnog fonda umanjiti za 200.000,00 KM iznos od 1.000.000,00 KM.

Obrazloženje:

Objekat obdaništa „Vjeverica“ je devastiran od rata i služi za okupljanje skitnica i narkomana. Bilo je i do sada pokušaja da se ovaj objekat sanira. Općina Novi Grad Sarajevo je uradila Idejni projekat i ubrzo će biti gotova projektna dokumentacija za sanaciju i rekonstrukciju. Smatramo da je nedopustivo da ovakav objekat još uvijek nije saniran, pogotovo što na području Općine Novi Grad Sarajevo postoji nedostatak kapaciteta objekata ove namjene. Neophodno je obezbijediti sredstva za I fazu rekonstrukcije, da se objekat zatvori i pripremi za potpunu rekonstrukciju u narednoj godini.

3. AMANDMAN III

Predlažemo da se u okviru ekonomskog koda 615400 Kapitalni transferi javnim preduzećima otvori nova pozicija koja će glasiti "Sredstva za saniranje gradske deponije" u iznosu od 1.000.000,00 KM u okviru razdjela 34, potrošačka jedinica 0001, Ministarstvo komunalne privrede i infrastrukture.

Sredstva obezbijediti umanjnjem pozicija:

- Ministarstva prostornog uređenja, građenja i zaštite okoliša, ekonomski kod 615300 Nov Povećanje energetske efikasnosti u objektima budžetskih korisnika umanjiti za 200.000,00 KM iznos od 1.000.000,00 KM;
- Ministarstvo komunalne privrede i infrastrukture, ekonomski kod 614400 WAO003 Subvencije javnim preduzećima KJKP „Rad“ – Mašinsko čišćenje umanjiti za 200.000,00 KM iznos od 790.300,00 KM;
- Ministarstvo komunalne privrede i infrastrukture, ekonomski kod 614400 WAO002 Subvencije javnim preduzećima KJKP „Rad“ – Pranje umanjiti za 500.000,00 KM iznos od 1.128.400,00 KM;
- Ministarstvo komunalne privrede i infrastrukture, ekonomski kod 615300 WAU003 Vlastito učešće za prečistač otpadnih voda – Butile po kreditu Svjetske Banke – W-IBRD umanjiti za 100.000,00 KM iznos od 700.000,00 KM.

Obrazloženje:

Sve je veći pritisak od strane građana sa desne obale Miljacke, da se sa lokaliteta gradske deponije širi nesnošljiv smrad, te traže da se pokuša to u dogledno vrijeme spriječiti. U kontaktu sa KJKP „Rad“ dobili smo informaciju da se radi o problemu koji je evidentiran i planira se sanirati, ali nedostaju finansijska sredstva. Smatramo da je neophodno u kantonalnom budžetu iznaći 1.000.000,00 KM za saniranje gradske deponije.

4. AMANDMAN IV

Predlažemo da se sredstva za Izgradnju i rekonstrukciju vodovodne i kanalizacione mreže, ekonomski kod 615100 Kapitalni transferi drugim nivoima vlasti sa 600.000,00 KM povećaju za 600.000,00 KM, tj. da se planira u ukupnom iznosu od 1.200.000,00 KM u okviru razdjela 34 potrošačka jedinica 0001 Ministarstvo komunalne privrede i infrastrukture. Povećanje za 600.000,00 KM se odnosi na 300.000,00 KM za pumpnu stanicu Sokolje i 300.000,00 KM za izgradnju kanalizacione mreže u ulicama Jajačka i Amira Krupalije.

Sredstva obezbijediti umanjnjem pozicija:

- Ministarstva prostornog uređenja, građenja i zaštite okoliša, ekonomski kod 615300 YAU003 Projekti i programi iz namjenskih sredstava Federalnog fonda za zaštitu okoliša umanjiti za 200.000,00 KM iznos od 1.300.000,00 KM;
- Ministarstvo komunalne privrede i infrastrukture, ekonomski kod 615300 WAU003 Vlastito učešće za prečistač otpadnih voda – Butile po kreditu Svjetske Banke – W-IBRD umanjiti za 400.000,00 KM iznos od 700.000,00 KM.

Obrazloženje:

Obzirom da smo računali na finsnijsku podršku iz Budžeta Kantona Sarajevo za 2015.godinu jednako onoj iz 2014.godine, pokrenuto je već nekoliko procedura za zaključivanje ugovora do iznosa od 1.200.000,00 KM. U Budžetu Kantona Sarajevo planirano je samo 600.000,00 KM, te smatramo da bi bilo neophodno obezbijediti još 600.000,00 KM, od čega:

-za pumpnu stanicu Sokolje 300.000,00 KM, čime bi bili riješeni problemi vodosnabdijevanja većeg dijela naselja Zabrdje, Sokolje, Briješća i dio Rajlovca;

-300.000,00 KM za izgradnju kanalizacione mreže u ulicama Jajačka i Amira Krupalije. Izgradnja kanalizacione mreže u ulici Jajačka bitna je i zbog izgradnje osnovne škole u naselju Aneks, jer bi navedena kanalizacija bila korištena i za OŠ „Aneks“. Obzirom da je provedena procedura i sklopljen ugovor sa izvođačem radova, ovi poslovi bi bili završeni do kraja 2015.godine.

Napomena:

Navedena pozicije koje su predložene za umanjenje nije bilo moguće detaljnije izanalizirati, pa ukoliko predlagač ili Ministarstvo finansija ima kvalitetniji prijedlog za umanjenje, saglasni smo.

Sarajevo, 25.08.2015.g



ELVEDIN OKERIĆ

Zastupnik u Klubu SDA
Skupštine Kantona Sarajevo